



Nakmikistem Aapqughwaalqumsiighi

Kestistet igleghutistengit Amarakami elngaatall qafsinaghqengngaaq state-et allakaqaghtaghmeng liilightuusalightuulluteng igleghutkayugukangit nakmikillghem igleghutellghi. Kavemem liilightuusaan qafsinggaat maligsaghqaghhaat state-enun maligutusaghqameng. Enkaangam, itagnalleghpigaat ilatellghemllu nakmikillghemllu liisaghqiit naalkelleqasi negpesi kestivigan qepghaghvigli.

Takugu eac.gov/vote takuyaghqaneng state-egpek nalighmeng nalighneghpekk estivigan website-anganun amalleqa naalkesqelluku negpek kestivigan qepghaghviga.

Ilangi Nakmikillghem Aapqughwaalqumsiighi:

- [National Association of State Election Directors \(NASED\)](#)
- [National Association of Secretaries of State \(NASS\)](#)

Naten Kestillghem igleghallha

Kitum igleghutaqagu kestilleq state-emni?

Allakaqaghtaghmeng state-et kestisteneng umiilelgut qepghaghteneng, esghaamakaqaa nalighmeng kayutngwaaquq state-emllu kavememllu nakmikillghtneng. Qunereng, nakmikillghet kiyang igleghutaqit county-mi, iwernga ilangitni states-eni city-t sangwaat igleghutaqit nakmikillghet. States-et igleghutaqit nakmikillghet allakuteperuwaaghluteng, ataasini state-eni allakanighaqluteng ayuqt. Kestillghet igleghusaghngaaghmeng ataasim yugem nalighmeng qafsin'guluteng, igleghutistet nalighmeng kayutangita kestillghet, nalighmeng qafsin'ginaluteng.

Kestistet igleghutistengit Amarakami elngaatall qafsinaghqengngaaq. U.S.-mi 10,000 siipngaghmeng ayuqt nakmikillghem nalighneghi. Alngunagiinaagut angtalngi, mekestaanghi nem qafsin'ggaghmeng hundred-et ilatkat namikistet enkaam angenghi nalighneghem maani 5 million siipngaghmeng. Nem kestistengan qepghaghtengi ama aklukaqit liitngwaaqat nakmikivigem qeghpaghtet (kiyang bipartisan-et) kayusiitaqegkangit nakmikistet nakmikiyahaghmillu Nakmikivigmillu. Naavghututistun ayuqelghiistun piluki, KEK-m

kelguvikaqitlu igleghutilleghmengllu kayusiisqelluki kestistem qepghaghtengi, taawanginaq KEK-m atanghusigatii kestillghet.

Liitaghaghnaluku kitum igleghutaqegkangi kestillghet state-egpeni takugu eac.gov/vote.

Nakmikivigem qepghaghtengi sakayugaat? Naten kayusighinayaghsinga?

Nakmikivigem qepghaghtengi megnunaghtut igleghutilghitneng kestillghem. Nakmikivigem qepghaghtengita qelpeghaqiit nakmikiviget unanguluku; nakmikistet iteghtestaqiat enkaam nakmikusineng tuunaqiat; nakmikistet kayusighaqiit; igleghutaqiat kestillghem liilightuusiitlu maligsaghqiitlu; eshamakaqiat nakmikusit tunqullhit, nakmikusitlu saghyatlu; uumgaqiat nakmikiviget; kestaqiat nakmikistet iitqat qaywa elquughaghutangi nakmikusit kesutngukat.

Nakmikivigem qepghaghtengi kiyang nem kestistengita qepghaghtengit apeghtughaqiit enkaam qerngaghaghmeng qepghataqut (kiyang bipartisan-et). Nakmikivigem qepghaghtengi akeqiiqut maligsaghqaluki kestillghem liilightuusii ama kestillghem kelengasaghaallu.

Tuqlughqi negpek kestillghem qepghaghtengi helpamericanvote.gov-mi liitaghaghnaluku naten ilannaluten qepghaghtenguluten nakmikivigmi state-egpeni.

Kitum esghapagnayaghtagu nakmikilleq?

Kestillghem esghapagtengi ilanganikun atiighaqegkangit “nakmikivigem esghapagtengi,” qaagkuminguut esghapagyaghngaaghmegteki namikillghem igleghnegha. State-et allakaqaghtaghmeng liilightuusalguutlu maligsaghanengllu naten kinkut esghapalleghqiitneng nakmikillehnneng iwernga kiyang, nakmikillghem esghapagtengi sanguyaghngaaghmeng saam qepghaghtengi, katam political-em party-ngan nalighmeng partisan-engunghilnguut qernguneng, nakmikisaghqam kayagtii, akemken ilanganeng esghapagtet, nakmikivigneng aanaqelghineng qernguneng, nalighmeng kavemem nalighmeng state-em qepghaghtengi.

Igleghnegha nakmikillghem esghapagtem whatetuq esghapagaqiatlu kelengakaqiat nakmikillghet, sangwaat sastengngunaki nalighmeng qinuyugtiillngunateng. Liilightuusii nakmikivigem esghapagtengi allakutut state-ekun. Tuqlughqi negpek kestillghem qepghaghviga liitaghaghnaluku pilleghqaanengllu salqumsuganengllu nakmikivigem esghapagtenganeng nunagpeni. Naalkataghaghhu nakmikillghem esghapallghaneng state-egpeni whani eac.gov/vote.

Nani naalkeseqsingi nakmikillghem apeghiillghi?

Apeghiighyuwhaallghet nem pillghita aapghaqiit state-em nakmikillghem qepghaghtengitnun nakmikiviget umellghita kingunganeng Nakmikivigmi. Ipaqihqengngwaallghilnguut apeghiillghet kelgutaqiat state-em kestivigan website-angani enkaam aapghaqiit ungipaghtenun Taakut apeghiighyuwhaallghet allangughtaqsaaghtut Nakmikillghem kingunangi nakmikillghem qepghaghtengita aapghumanginaghqeqkangit nakmikusighlluwahaaghet, ilalluteng nakmikusit allangughtekayuget sangwaat, aviillutengllu tuyuqagugetlu nakmikusit, ama nakmikusit kesutnguyaghqat yarmitlu akmanlenguut nakmikistet. Inguuniita kesimakatki, ataasiightekata,

enkaam ipapighqegkata atiighaqegkangit canvass-meng, apeghiiqapiget kelgutaqjiti lu aapghaqiit, qafsinakaghtekayuget aghneghni tawallu qafsinat weeks-et.

Takugu eac.gov/vote kenegsaghqanun state-egpeni nalighmeng nalighneghmi nakmikillhem website-angani ungpaghqameng state-em nakmikillghan apeghillghi.

Sangameng kestillghem apeghillghi allangughtekayugwaat nakmikillhem ighivgaani? Qakun ataasiightaqat?

Kestillghem qepghaghtengita kesnaqutkaqit nakmikusit nakmikillhem ighivgaani, taawanginaq nakmikillhem ighivgaan apeghillghi ipapighqengngwaallghilnguugut ama kingulighpigaanghitut. State-et allakaghmeng maligsaghqalwaaqut tuyuqayugteggun, allangughtekayugetlu yarmitlu ama akmanlenguut nakmikusit kestelleghqiit. Katamqun ilangita states-et tuyuqayuget nakmikusit kaasaghqaagut Nakmikusim aghneghani. Ilangita kesutngustaqtuyumakata Nakmikivigem aghneghani enkaam kaasaghqat natumi aghneghmi.

Canvass-a (ama uglalghiini states-eni, yuvghiilleq) apeghiiinghan, kestillghem apeghillghi taqmiighaqiit. Wata liitaghaghukuvgu kestillghem apeghillghaneng, canvass-mengllu ipapighqelleghmengllu esghaghhu: <https://www.eac.gov/election-officials/election-results-canvass-and-certification>

Ilangit nakmikillhet kesneqigsaghngaaghmeng ayuqut ipapighqellhem kingunganeng qayughllak nakmikilleq qantaghantulanganeng nalighmeng nakmiksaghqam nalighmeng kinkut sangwaat aaptekatgu. Kesneqigtellhet allanguut yuvghiilleghneng iingunaghhiita nakmikillhet namikilleghmi nalighmeng aaftellghi nakmikillhem nakmikilleghmi kesneqigtaqit, enkaam apeghillleghpigaat nakmikillhem allangughsaghngaata ayuqut.

Nakmikusim igleghusii katam ayugitaat?

Ayugitellghi nakmikusim igleghusii megnunaghtut ipapighqellghi nakmikillhem. Kestistengita Kayutangita Kelengakistengit (KEK) allgeghutaqaat maligsaghqat nakmikusim igleghneghi (VVSG), igaqaghhaagutlu maligsaghqatlu, ilalluteng ayugitelleghmengllu itagnaghqelleghmengllu maligsaghqat, nakmikusit igleghusiinun piyaghqiit iglehayaghqaaghsaqata. KEK-t ama nakmikillehmun saviget saaqiit nanghiqunaluki nakmikusim igleghusii ukunun maligsaghqanun. Ilatelleq KEK-m nanghiqullghanunllu ipapighqengnganunllu ellmeggneng piyukelqaat, iwernga qamagtevzighluteng states-et KEK-m nanghiqullghillu ipapighqellghillu atuqaqiit. States-etlu ama wata maligsqaghqal guyukumeng nakmikusit igleghusiitnun.

Ilingunita states-etlu nemllu nalighneghita atuqaqiit maligsaghqakuusitlu kayutetlu yakughniighsiisqelluki nakmikillhem igleghallghillu itagnatun nakmikillhem apeghillghi ugpeqsaghqalukillu. Atuqusiiit itagnallhit pillghit maakungwaaqut maghqatusit, uumget, igaqusit, nanghiqullghet nakmikillhem sivunganillu kingunganillu, yuvghiillhem ama whateghllugwaaqlu kamyuterku kelengasiita salqumsugit. Allakaqaghtaghmeng state-et

nakmikillghet qepghaghtengit umiileguut kelengakikayuk maakut liilightuusatlu maligsaghqat qaywa maligtaqtutangi.

Atuqsiit kelengasaghat nakmikusinun igleghallghitnun:

- Tukfighaqit nanghiqungwaaqatlu ipapighqegkat nakmusim igleghusii
 - Kanaghqughwaghqaqit qamagaghlluki sat maliglluki nem liilighthusiinun
 - Nanghiqungwaghqaqit itagnaatangi nakmikim sanqutangi nakmikivagilgan
 - Igleghutellghi nakmikillghet bipartisan-meng qepghaghteklutengllu esghapagtemengllu
 - Nanqigtengngwaaghluqi qafsin'gutangi nakikusit tuunkat uglaghtutangitun nakmikiyaqaneng
 - Yuvghiighluqi nakmikusit qaywa nakmikusim sanqutangi kestaqtangi nakmikellghet elquughaghlluki
 - Waran maalghum (bipartisan-ngunaqepiglluki) igagħaqiillu esghanqigtaqii nakmikusim tuunellghillu nakmikusimllu sanqutangi ataasineng qepghagħteneng nalighmeng naken tuunliinun
 - Igleghutaqii whateghllugaaq ayugitellghem pingi

Nakmikusit iiwleng nem nakmikellghem qepghaghtengan nayuqngwii nakmikilleghmi.

Nakmikellghetllu mingllitngwaaghyaghqaagut nakmikillghem kingunganeng enkaam yuvghiighyaghqaluki yuvghiilleghmi naligmeng kesneqigtelleghmi. Wata ungipaghqaq nakmikillghem ayugitellghaneng takugu: <https://www.eac.gov/voters/election-security>

Takugu eac.gov/vote kenegsaghqaneng state-egpek nalighmeng nalighneghpek nakmikillghan website-anganun ungipaanun ayugitellghanun state-egpek.

Ugpeqnayayaghsikun apeghillha nakmikillhem?

Uglaghtuq sayaghqaqlu maligsaghqaqlu ugpeqesqelluki apeghiillghitneng nakmikillghet. Nakmillhem qepghaghtengi apeghtughaqiit ama pillepigllehiit apeghtullghet nakmikillghem igleghutellghaneng. Qamagaghtevzighluku nakmikillghem igleghutellgha waran maalghuk apeghtughwaqaqak qepghaghtek akeqikak maligtengngwaaghyaghqaluki ingunaghhiita nakmikillghem liilightuusiillu kelengallghallu nakmikillghem. Nakmikillghem esghapagtengi, ilangakun atighaqegkangit “nakmikivigem esghapagtengi,” tawansaghngaaghmeng esghamaksaghqaluku nalighmeng esghapakinaghnaluku nakmikilleq.

Nakmikusit ullghitat amalka, ilalluteng nakmikusim yuvghiillhit nanghiqwaaqit ama ipapighqaqit [naliit elquaghaghutngalleghmun maligsaghqat](#). Uglalghiit states-et saneng elquaghaghutngalleghmun nanghiqullghet nakmikusinun nakmikivaglata. Saamallu amalleqa

nakmikillghem sivungani, uglagluteng states-et yuvghiighyaghqaqiit kingungitneng nakmikillghem. Yuvghiileghmi nakmikillghem qepghaghtengit yuvghiighaqiit igat nakmikusit ipapighqennaluki elquughaghutngallhi ullghtam amalka kestillgha. Yuvghiillghet kelgutaqiit namikusit kesutkaatangi nakmikistet piyukellghistun ama apeghiillghi nakmikillghem ipangutangi. Wata ungipaq yuvghiillehneng naalkennaghan KEK-m ungaani [Nakmikillghem Yuvghiillghi Amarakami.](#)

Takugu [eac.gov/vote](#) ken'gaghsaghqameng state-egpeni nalighmeng nalighneghpen nakmikillghan website-angani ungipaghqameng esghaghnaluku naten nakmikusit kestaqtutangi state-egpeni.

Naten nakmikillghem qepghaghtengita negughaqatki kinkut nakmikilleghqitneng maalghugneng?

Naliit igleghnegrat itemngallghem whatetuq tamaghmeng ataasiinaghmeng nakmikiyahqaguq. Nakmikillghem qepghaghtengi elngatall qepghaghaqut qaywa ataasiinaghmeng nakmikikatangi nakmikilleghmi, nalighmeng nakmikista nakmikikatanga qafsinaneng (katam nakmikikan tuyuqayugkun enkaam nakmikinaqutkegkan gginasaghlluku Nakmikilleghmi), ataasighthinaq nakmikusiq kesutngatanga. Una pinaluku, nakmikistem qepghaghtengi eshamakaqiit whaa atut ama elquughatngalghiit nakmkisteneng, uglagluteng states-et yuvghiighutaqit ilatellghemllu nakmikillghemllu igiitneng ilangitnun states-enun. Nakmikillghem qepghaghtengit igat aflengakaqiit nakmikistet nakmikusingutkatangitneng, enkaam naakut nakmikusit tuutkatangi.

Nakmikistem piyaghqatanga peqiggneghilkan (katam nakmikista igiitninneghilkan nakmikiyahqaatni, nakmikistem ungipaa apeghiillghisimakan nalighmeng ananggakan, nalighmeng nakmikista nakmikusingumakan tuyughluku enkaam nakmikesimakan), nakmikesaghngaaghmi allangughtekayugkun nalighmeng sayaghqaghhaanghilihqughqun nakmikusikun. Allangughtekayuget nakmikusit allakaghmeng ilangitneng nakmikusineng ayuqut enkaam igleghusaghqagutlu kesutngusaghqagut nakmikistem qepghaghtengan peqgsimakagu nakmikista piyaghqatanga enkaam nakmikillghitutanga nakmikilleghmi.

Nakmikista aaputkuni tuyuqayugmeng nakmikusimeng, nakmikillghem qepghaghtengi peqigtaqiit aaputellha qaywa nakmikistem pikatanga nakmikusilitfagilgan. Nakmikusiq uutghusimakan nakmikillghem qepghaghviganun, qepghaghtet (kiyang bipartisan-et qerngut) peqigtaqaat sign-ellha nalighmeng ilanga esghaasiit ungipaq nakmikusim qantani qaywa nakmikistem pikatanga. Ungipaq aklukegaq aviitkan nalighmeng taqmiilghisimakan, nalighmeng sign-eyaghqaatanga allangukuni esghaqusiitni, nakmikusiq kesutkennaanghituq. Ilanganikun, nakmikista ungipilleqaat enkaam elquughsaghhalilleqaat afkuyaq.

Takugu [eac.gov/vote](#) kenegsaghqanun state-egpenun nalighmeng nalighneghpekknakmikillghan website-anganun ungipaghqameng naten nakmikusit kelengakaqtangillu kesutngutangillu state-egpeni.

Nakmikimun Ilatelleq

Naten ilalleqsinga nakmikimun?

Tamaghhiitni states-eni iwerngaqun North Dakota-mi, ilasaghqaguten nakmikimun kesutngusqelluten. Ilatelleghqaa allakutut state-kaghtaan, iwernga ilannaluten nakmikimun whatesaghqaguten:

- Amarakaghmii
- Waran 18 uksughtutka Nakmikillegħmi
- Tamakughmiillegħmeng maligusaghqaguten

Ilaasaghħa għekk għinasaghħillku, tuyugħluku, enkaam ugħalgi ħi states-eni uunlaaynekkun. Siingen lu ilatellgħi simaku vekk naliġħmeng nutagħsaghqaku vgu ilatellġen, wataghħillak state-egħek tuuvigani apegħi ġiġi. Il-langita states-em nakmikistet il-lestaqiit Nakmikivigem aghnēgħani, enkaam il-langita states-em tuunvilguu 30 aghnej q-sivu ngan nakmikillhem.

Il-langita states-em 18 uksughtuke fagħilgata il-latesaghha qaqiit nakmikillegħmu, enkaam nakmikiyaghha għaqgħmeng piyaghqa qiegħek.

Takugu eac.gov/vote ken'għażiex għażiex qiegħi kien nali ġiġi. Website-anganun li ittagħi għal-ħalli u nali ġiġi. Down luu ġiġi għall-ħalli National-em Tuyuqayuk Nakmikistem ilatellgħi l-għalli lgħid. Una iġaqq atu qiegħi għall-ħalli kien nali ġiġi. Tamaghħiitni iwerngaqun North Dakota-mi, New Hampshire-illu Wyoming-millu, enkaam piivngħa 21-eni uluni. Tugħiex kien iġaqq, whavek pi:

<https://www.eac.gov/voters/national-mail-voter-registration-form>

Naten simighnayagħsikun political-ema party-nga ilatellha?

Political-ema party-għekk pinga simighna qellegħqaa katam il-allgħiistun ayuquq nakmikimun.

Il-langitni states-eni il-lestaqaten party-nun ilanneħ ġiġi, enkaam il-langita kelengna qiegħataat sangut tħalli party-n. State-egħek iiskuchtengħu kien nangaghnejha, aappleq qiegħi kien nali ġiġi. Nakmikistmu ilatellgħanun igħi sangut tħalli political-ema party-għek nangaghnejha.

Il-langita states-em nakmikistet il-latesaghha qaqiit party-nun nangaghnej hitnun nakmikiyaghqakata nakmikiyaghaghni. Nakmikillegħpigħi għalli (kiyঁ Aqumughmeta qelgħi), nakmikiyaghha għaqgħi al-ġuġi kien nangaghnejha, sanguyaghha għall-ġuġi party-għek nangaghnejha.

Tagħiex eac.gov/vote ken'għażiex għażiex qiegħi kien nali ġiġi. Website-anganun li ittagħi għall-ħalli u nali ġiġi.

Naten Nutaghleqsikun nakmikistema ungipaa (aatqa, address-ka, political-em party-nga, ilangillu)?

Nutaghtellha nakmikistegpek ilatellgha kiyang tawatetut ilatelleghpetun nakmikimun.

Nutaghtigu nakmikistem ilatellghan ungipaa maanakuvek:

- Nuugtekuvek
- Aatghen simiquvgu
- Allangughsukuvgu political-em party-nga nangaghnegha
- Nakmikillghisimakuvek estamani uksuni agani

Takugu eac.gov/vote ken'gaghsaghqameng state-egpenun nalighmeng nalighneghita nakmikivigem website-anganun naalkennaluki naten salleghqaghs i lannaluten nakmikimun.

Talwa tuuniyukuvek igameng [National-em Tuyuqayugkun Nakmikistem Ilatellghanun igamun](#) negpek nem nakmikivigem qepghaghviganun. Una igaq atuqsaghngaaghmi ilanneqigtemmun nakmikimun tamaghhiitnun state-enu iwerngaqun North Dakota-nkut, New Hampshire-enkul, Wyoming-emillu, enkaam piivngaaq 21-eni uluni.

Naten esghaghnayaghsikun nakmikistema ilatellghan ungipaa?

State-et allakaqaghtaghmeng nakmikimun liilighthuusalguut, ilalluni naten qaywa ilasimaten. Kiyang esghaghnayaghan online-ekun nalighmeng tuqlughluki negpek nakmikivigan qepghaghviga. Ilatngwaaghngakuvek nakmikimun, megnunaghtuq esghallehqaa qaywa ilatelleghpekk ingupaa whaa atuungutangallu elqughaghngatangallu, wata nuuggneghhakuvek nalighmeng aatghen simimakuvgu. Takugu eac.gov/vote ken'gaghsaghaqmum state-egpeni nalighmeng nalighneghpekk nakmikivigan website-anga wata ungipataghali kiyaghfigpeni.

Naten uutghunnayaghsikun nakmikimun ilatelqa?

State-etlu nemllu nalighneghi sayaghqaghtuuq allakaghmeng nakmikistenun uutghusulghiinun ilatelleghmeggnun. Ilatngakuvek nakmikimun enkaam uutghusukuvgu nalighmeng iiksukuvgu nakmikimun ilatellghen, negpek nakmikillghan qepghaghvigan kayusiinnayaghaaten. Takugu eac.gov/vote ken'gaghsaghqameng state-egpek nalighmeng nalighneghpekk nakmikillghan website-anganun tawani naalkunnayuaghtuten naantulangi nakmikim qepghaghvigi.

Naten apeghvikughnayaghsinga ilatkameng nakmikistemeng kiyaghhnani lghimeng address-emni nalighmeng nakmikista ilatkaq tuqukaq?

Latangekkuvek kitumun kiyaghhnani lghimeng address-egpeni nalighmeng tuqucamun, tuqlughnaken negpek nakmikillghan qepghaghviga ungipinnaluki.

Esghamakellghi nutaghsimanginallghi nakmikistem ilatellghi megnunaghtut nakmikillghem igleghutistengitnun. Ilingunita states-et nakmikistet ilatellghita salqumsugit whaa maaten atungunaqutkaqiit, iwernga ilangakun qepghaghvigel nallukaqiit kina nuugsimatangi nalighmeng tuqumatangi. Takugu eac.gov/vote ken'gaghsaghqameng state-egpek nalighmeng nalighneghpek nakmikillghan website-anganun tawani naalkunnayuaghtuten naantulangi nakmikim qepghaghvigi.

Nakmikilleghqat

Naten nakmikinayaghsinga gginasaghlluku Nakmikivigmi?

Tamagħħita states-et pilleghqalguut gginasaghlluku nakmikistet pilinnaluki nakmikusiteng Nakmikivigmi. Ilangitni states-eni navek samun piyaghqagħut Nakmikivigmi pinaluteng, enkaam ilangi nakmikivilguut naken alngunak pinguyaghngāaghmeng nakmikinaluteng.

Takugu eac.gov/vote ken'gaghsaghqameng state-egpek nalighmeng nalighneghpek nakmikillghan website-anganun tawani naalkunnayuaghtuten naantulangi nakmikivigkagħten, awangi, ama sangwaa kelquesaghqanayukan (katam ID-t) nakmikiyamun.

Naten nakmikiyahaghnayaghsinga?

State-a ugliinaq namikistaqiit gginasaghlluku Nakmikivigtestenggunaan. Ilangitni states-eni, nakmikiyahagħtestaqiit nengħi taqnaq Nakmikivigem qepghaghvigli, enkaam ilangitni nakmikiyahngāaghpek nakmikivigmi katam nakmikilghistun Nakmikivigmi. Esgħagħyukuvu state-en gginasaghlluku nakmikilleghqaa Nakmikivigtestenggunaan ama nani pilleħqan, takugu eac.gov/vote, kenegħi state-en nalighmeng nalighnegħen enkaam kenegħi 'Absentee/Mail and/or Early Voting Information.'

Naten nakmikinayaghsinga tuyugħluku?

Tamaghhiita states-et allakaqaqħtagħmeng malisaghqalguut kinkut nakmikilleghqitneng tuyugħluku. Ilangita states-em sangameng pilleħqitneng apeghyaghqagħtaknakmikilleghqit tuyugħluku, ilangita alngunak kina tungsightestaqjiet tuyuqayugħmeng nakmikusimeng, enkaam ilangita tuyugħħaqtaqjiet qamalluki nakmikistet tuyuqayugħkun. Ilangi pilleħqat qinu yugħu, aqnightellgħet, nalighnegħliliq, naten yugħula, igleħħalleq kiyaghfikengħitmini Nakmikivigmi, igagħhyangukuni nani, nalighmeng yarningukuni. Tungsiu veck tuyuqayugħkun nakmikusimeng, lii simakngwaagħluku tuunillegħqaa nakmikusin kingusaghqangunaan kesutngusqelluku (ama tuyughim tagħtalanga).

Allgeħħusimakuvek avilluni nalighmeng tuyuqayugħmeng nakmikusimeng, atightughwaagħluki malisaghqii naten luu qakun luu uutghut leġ-ghaqneng.

- Imighluku inunaghhaan aaptekiit aanveluuupnganilnguq. Ilangita states-em notoraayesaghqaqiit nalighmeng esghapestesluki sign-ellghi aanveluuupet uutghullghiini nakmikusit tuyuqayuget.
- Wataghllak estaampalighluki aanveluuupet uutghusaghqat tuyughvagilafki wetkuqun siingenllu livilkngwaaqumakata.
- [USPS-enkut pisqellghitni](#), tuyughhu nakmikusin uteghmun waran week-a sivutghulluku state-em tuunviganeng wataghllak kaasaghqaluki qepghaghvigitnun.
- Natesaghngiita nalighneghpek liilightuusiillu maligsaghqillu, gginasaghlluku tagisaghngaghpeki tuyuqayuk nakmikusin nalighmeng kanaghsaghqanun nalighneghpeni.

Uglalghiit states-et iiskughtestaqiit tuyuqayuget nakmikusiteng online-ekun.

Li-i: Nakmikivigem qeghaghtengi aksaqsaghqagħsi kelengakepigtaqaat, nakmikilleħten aksaqnaqepigtaqiit saagħatalleghmegħegħġi. Nakmikillhem qepħagħtengi īgaqumanginagħaqiit nakmikimaten, iwernga esghaghnaangħitaat naten nakmikimaten.

Naalkataghaghnaghan ungipaaneng nakmikilleħtmeng tuyugħluku state-egpeni, talwa ungipameng tuyuqayugħmeng nakmikusimeng piivngakuni state-egpeni whani: eac.gov/vote.

Ukavantalghinun Nakmikilleq tuyugħluku

Esgħaqħluku stateħġepek nalighmeng negpek nakmikivigan qepħagħviggħi ungipaaneng naten pillegħqameng ukavantalghinun aapelħi, igallhi ama uutghutellgħeqħqii tuyuqayuk nakmikusin. Wata ungipaghqaq ukavantalghinun igleħnēgħi nakmikilleq tuyugħluku una esħhaqagħħu Salehpigaat: [Kukragniighsaqaq Nakmikilleq Tuyugħluku](#).

Naten kanaghfiget salngaget qepħagħhaqt?

Ilangita states-em nakmikistenu uutghutestaqiit tuyuqayugħit/avilluteng nakmikusiit paqnangilngugħnun kanaghfignun salngagnun. Kanaghviget salngaget tufiġniighsagħaqiit tuyuqayugħkun qayugħllak nakmikistenu uutghutestaqiit nakmikusiteng nakmikillhem qepħahtengitnun, tuyugħnangunaan. Anegħrengit kennayagħhaat nakmikistet taaymepagħluu uutghutellgħitneng nakmikusteng tuyugħluku.

Nakmikinaluten kanagħtekayugħkun salngagħkun:

- Kanagħtigu nakmikusin uutghutusikun aanveluuupemun enkaam imighluku ungipaq aklukegħkaa aanveluupekun. Ilangita states-em notoraayesqaqiit nalighmeng esghapagħluku sign-ellħha aanveluupekun uutghullghiini nakmikusimeng tuyuqayugħkun.

- Uutghutigu nakmikusin kanaghtekyugkun salghakun nunagpeni. (ii-i: Esghaghwaaqaghluu kanaghfigek salngagek igaghwaqaqtangek county-openitulanga, city-gopeni, nalighmeng township-egopeni.)
- Kanaghtekayugek salngagek atughnaqngukufkek wataghllak uutghunnaken tuyuqayuk nakmikusin umegtestengngunaki nakmikiviget Nakmikivigmi.

Allakaqaghtaghmeng state-et maligsaghqalguut sayaghqalguut paqnaniighsaghqameng kanaghfigneng salngagneng. Kiyang maghqatusiigut nalighmeng seal-et, igaqusit ama esghamakisteneng. Ilangita states-etlu netlu salngaget kavemem guygunitaqut nalighmeng nani paqnangilngughni nalighneghni. Nakmikistenginaat qepghaghtengit (kiyang bipartisan-et) saghnalaghaqit nakmikusit kanaghtinghata salngagnun. Liitaghaghnaluki naten nakmikistem qepghaghtengi paqnangiighsillghi salngagneng esghaghhu [apeghtuusaq](#) igaqaat KEKet ama Cybersecurity and Infrastructure Agency (CISA)-enkut naten atuqellghit pananiighsaqat salngaget kanaghfiget. Takugu [eac.gov/vote](#), kenegtigu state-en nalighmeng nalighneghpek nakmikillghan website-anganun qaywa kanaghfilgutanga salngagmeng tungegpeni.

Amarakaghmiingga, taawanginaq ilani akmani kiyaghtaqunga. Naten nakmikinayaghsinga?

Yarmitlu akmanlenguut nakmikistet nenglutumaghmeng allaaghlluggagheng sayaghqalguut nakmikimun. Ilangitni nayuutni, kavemem liilightuusaan (1) yarmitlu akmanlenguut nakmikistet ilasaghngaaghmengllu nakmikusingyaghngaaghmeng kaaputkayugkun, ama (2) nakmikusiq tuyughyaghqaguq 45 aghneq sivutghulluku kavemem nakmikillghaneng. Uglalghit states-et wata paqnaniisghalguut yarminunllu akmanlengununllu nakmikistenun tamaghhiitnun nakmikillehnun, nakaan kavemem nakmikillghitnun.

State-em liilightuusaan suumghulleqaa pighmiingullghaneng akmanlengughnun nakmikillghitnun state-millu kavememllu nakmikillghitni [Federal Voting Assistance Program-a](#) (FVAP) atightughyaghqalguuq yarminun, nengllugutangitnun ama akmanlengughnunllu nakmikiyulghiinun. Nakmikistet atuqnayaghaat FVAP-m Nakmikim Kayutanan Apeghtuusaa liitaghaghnaluku ungipaa nakmikilleghmeng state-angitni ama naten aaptelleghmengllu uitghutellghanengllu nakmikusiitneng.

Sangaawat pilleghqanka nakmikistengulunga?

State-et allakaqaghtaghmeng liilightuusalguut atanghutaqegkangit naten nakmikillghit igeleghutellhit, iwernga qafsiinguut kavemem liilightuusii aflengakekaqegkangit nakmikilleghqiitneng Amrakaghmiinun. 1965-em Nakmikilleghqaan Liilightuusaa iinghutaqaa ighlegutilleghmengllu ama nalighneghet kayusighistaqit nakmikimun tamaghhiitnun iwerngaqun qafsin'ggaghnun, Kayusighhu Amaraka Nakmikim Liilightuusaan piiqaa (1) nakmikistet aksqeaghlluku ellmeggneng nakmikilleghqaat, (2) allangughsaghngiita nalighmeng

elqughsaghngiita nakmikusiit tuunvagilgatki ama (3) nakmikistet nakmikistaqit allangughtekayuget nalighmeng afkuyiilngughmeng nakmikusimeng.

Pilleghqaghten Nakmikinguluten

Kavemem nakmikillghan liilightuusaan aflengakaqit nakmikilleghqaghten ama nakikillhem igleghnegha. Kiyang nakmikistet maananayaghtut:

- Nakmikinayaghtut paninang utaqiingukata nakmikiviget uumkata
- Allaneng nakmikusimeng tungsilleq anagtiimakata
- Allangughtekayugmeng nakmikusimeng tungsilleghqaa igaaninneghilkata nakmikivigmi
- Tungsilleghmeng ulungitgun kayutmeng nakmikivigem qepghaghtenganeng kayutsukata atightumeng nalighmeng liigikelleghqaa nakmikilleghqameng
- Tetugullngunaan nalighmeng qinuyugtellngunaan nakmikinguluni

Nakmikilleq Naatlugmelluni

Kavemem liilightuusaan aflengakaqii nakmikistet naatlugmelnguut. Nakmikistet naatlugmelnguut maanayaghngaaghmeng:

- Nakmikileghqaaq aksaeqaghllukullu allakaghmillu
- Nakmivilgulleghqaaq nakmikusilegmeng ukavantalghinun nakmikistenun

Nakmikistet maananayaghtutlu:

- Kayutniighnayaghtuq qepghaghteneng nakmikivigmeggnii apeghtuqat atuqayugit nakmikusit piyaqniighsaghqat, nalighmeng
- Kina kelqesaghngaaghmegteggu kayutkaghqaaq nakmikimun

Nakmikistet aapsaghngaaghmeng ungipameng namikimun kayutmeng, nakmikim kayutanganeng, ama avilluteng nakmikusit maligsaghqat piivngalghiit.

Wata ungipaghqameng takugu eac.gov/vote nalighmeng tuqlughu Amarakam Kestistengita Kayutangita Kelengakistengat tuqlughluki 866-747-1471-mi nalighmeng lataluki listen@eac.gov-mun. Ungipaq Amarakaghmiit Nalighneghmallugmelnguut Liilightuusaa piivngaaq ada.gov-mi.

Ilangi Atightughyaghqam

Itagnalleghpigaq ungipaghqaq state-egpek nakmikistem ilatellghanengllu nakmikimllu liilightuusaanun state-egpek nalighmeng negpek nakmikillghan qepghaghviga. Takugu eac.gov/vote, kenegtigu state-en nalighmeng nalighneghpek nakmikillghan website-anganun.

Wata naalkullequten ungipameng kavemem liilightuusaaneng Civil Pilleghqaan Division-angan website-anani justice.gov/crt/voting-section.

Iganeng kavemem nakmikillghan pilleghqaneng liilightuusaanengllu aflengakillghanengllu, ama ilanganengllu nakmikim ungipaaneng takugu usa.gov/voting-llu ama vote.gov.